

# Rewşa Kurdistanê

Warihêl sergeli  
Kolija perwerdê/ zankoya Duhok

## Dar gwîz:

Ez dareka berdarim  
Ciwan û şeng û bi sîberim  
Xwarina min pirr mifaye  
Yarîka zarokaye  
Xoş darim bo hêlînka  
Bo sivore û darikuka

## Spîndar:

Bejna min rind û bilinde  
Xemla nav bax û gunde  
Bo bilibla hêlînim  
Bo mêwa kepir û stwînim  
Raste xiriş û bê berim  
Lê bo nav mala ferim

## Sivore:

Ruh sivkim, xwîn germ  
Linav daristana digerrim  
Diçime ser darên mezin  
Xwarina min berrwî û gwîzin  
Li gund û şara navdarim  
Govara zarokanim

## Bilbil:

Rengawreng û pirr nexşim  
Bo hemî dila rewşim  
Dengê min musîqaye  
Awaza stiranaye  
Car li deştê, car zozana  
Car difirme daristana

## Hemî pêk ve:

Hemî çwîçik û gîyanewer  
Dar û gîya û av û ber  
Em mifayne, em xemlîn  
Bo vî welatê şîrîn  
Dê bêjîn ji dil û can  
.Bijî bijî Kurdistan

